

عَظَّشوكْ

ولبَّسوا طولك نهاية
وشمَّروا سنينك وراهم

وانت ذاك... انت نهر
يامه ارتَّووا منه وراهم

يامه طشَّيت السنين
اعله الگناطر، هيل فايح
مطر للصوبين طايح
والغبشة إلهم حمامة بسلامة
اترفرف... وجنحك ضواهم

حدر حدر، الوحشة غافين بمذَّة
وفوگ غصن التين... للعلية خذاهم

نسو من ضكَّ الصخر
والدم نزيز
ياهو فتَّ الصخر بجفوفه وحيَّاهم؟

يامه صرتلهم دفو بلیل الجحیل
ويامه ردیت بطرگ جلدك عداهم

تالي صاحوا: "موش ابنه!"
وماهو من دورة عربنه ويا جفاهم
ياهو غيرك يا أبو مهدي العرباهم؟
ياهو غيرك بالجناسي السجّلاهم؟

يا هو غيرك؟

إِنَّتَه "إِنَّه"

اعْغَالِهْم طاح... ورفعتَه

اعراضهم لولاك وصلت قندهار

وموش عرضك، لكن بدمك حفظته

بزودك الديوان عامر

والدلال تفوح

والغُتْرات حمرة

بزودك إِنَّتَه...

لذبح "لهولة" عرسهم

بيدك السمرة... ذبحته

يا ابو مهدي

أعيونك أعظم من حضارات العراق

وأعلى من وقع القصايد في بلادي

علّمتهم

معنى "من تموت كعبة"

وحولك اطوف العبادي

علّمتهم

عرشه من دمه القيادي

يا ابو مهدي...

إنجازك بسنتين أكبر

من ألف عام الرمادي

اشترينه بدمنه دينك يا ربيب النور
مجد يلحگ مجد، والدم صليله يدور

بمفازز دوي الثورات، عشر أقرون
بركان النجف ينبض، أجيجه يفور

فزت وبلا نهاية الصوت بسم الله
غط بيها الأزل، والذاريات ادهور

علي يلبادي قبل اللوح والتكوين
من شمسك خلود اسمائنا المذكور

شما ضكت سنين الخوف والذلة
تهب ريح التشيع فوگ دنيا الجور

من حدر التراب، وجزع ذاريها
نطگ آيات خضرة، محملات اندور

صعدنا أرواح ثورية بلهيت الموت
ومناوب على القمة سجاية اصگور

ركبنا أعله المناية، وسارجين الليل
يا حد اليحد حدنا، وعلينا الطور

علي خضعت وحوش الجان عد سيفك
نخضع أعروش بسمك لو نوينه انثور

علي بسمك عبرنا أبُحور
حنينه العواصم من دمع عاشور

علي وكل وطن بالظلمة صرخ يحرار
نفزعله لهيب ابدور

جدحت بالسمة الرايات
شيوعية ورفضها اصياح

من طنجة لحواف الهور
دهر بينه الدهر يا أبو الحسن مولاي

نهتف والهتاف انطيح فوگه انحور
فجرنه النضال بيوم چان الصوت

معبر للمشانق والقيامة اتفور
أمس عطبنه جدم الخيل بالعشرين

سجدت للصرايف مملكة لقصور
من نغتاظ نعر شاف ابن صدام

چيلات التشيع بترنه ابتور
هذوله إحنا عرات أصدور

دمنه أعله السواتر بوصلة الإسلام
والإسلام حيدر وين دار اندور